

տին 'ի կատարել զնաւակատիս նորակառոյց տան նորին ,
(1815 . յ 5 Ապրիլի) :

Նարոյէն Պօնաբարդ զերծեալ յարգելանոցէ իւրմէ զօ-
րաժողով եղեւ դիմել 'ի վերայ Գերմանիոյ ջնջել և բառ-
նալ զայն 'ի միջոյ , Պապն Հռոմայ փախուցեալ զերծաւ
իւրովքն հանդերձ , արտունջ առկաց և սպառնալիք իս-
պառ կործանելոյ զՊապու թիւնն . նոյն ձայն հնչէր 'ի կող-
մանց Սպանիոյ , զի հասարակութիւնք նոցին ըմբոստացեալ
էին ընդդէմ եկեղեցական իշխանութեան : Գերմանք , Ռուսք
և այլ դաշնաւորք գումարին ընդդէմ Պօնաբարդին ('ի 1
Մայիսի) :

Զիջեալ գլխաւորաց ազգին 'ի թախանձանս Պօղոսի՝
գումարեցան 'ի Պատրիարքարան (յ 7 Յունիսի) խորհիլ
վասն ազատութեան Աթոռոյն Երուսաղէմի . կոչեցին անդ
զՊօղոս եպիսկոպոս և զՄկրտիչ վարդապետ , և զինի բազ-
մադիմի բանից ասեն՝ չէ պարտ տալ զայդքան դրամս
Կուսակալին , թէպէտ նա խնդրէ և չգիտէ ասել բաւ որ-
պէս սովորութիւն է նոցա . այլ ընդդիմանալ և ոչ տալ
առաւել քան զսահմանեալն , յանձն առնուլ զտառապանս
և զբռնութիւնս նորին , տաղնապիլ , նեղիլ եւ չարչարիլ
համբերութեամբ մինչեւ ցմահ 'ի սէր Ս . Տեղեաց . և 'ի
լսել զայն ամենայն ազգին համարձակեսցին բողոք բառ-
նալ առ Արքայ եւ գտանել զհնարն ազատութեան Աթո-
ռոյն . ո՞վ կարէ բառնալ զայդքան ծանրութիւն պարտուց ,
որ զլսողս անգամ լքանէ : Կուսակալք չկարեն այդքան
խստութեամբ տաղնապել զվանականս , եթէ տեսանիցեն
'ի նոսա զարխութիւն ողւոյ . զի եթէ ունին տացեն ըստ
կամաց իւրեանց , և եթէ ոչ , ուստի՞ և ընդէ՞ր տան . ո՞չ-
ապաքէն տոկոսաբարդ լեռնակուտակ յորովութիւն պար-
տուց գուշակութիւն է կործանման , և կարելիք խոցեալէ
սիրտ ազգին 'ի վերայ այսպիսի թշուառութեան Աթո-
ռոյն . զի տեսանեն զնա վիրաւորեալ յոտից մինչեւ ցգլուխ
և չիք 'ի նմա առողջութիւն : Եւ առ զայրոյթ սրտից իւր-
եանց զկծեցուցիչ բանիւք նախատէին զՓոլսանորդն եղեալ
զնա նպատակ բանից , իբրեւ սրեալ սլաքաց , այլ միտք
ամենեցուն խոկայր զիրկութիւն Աթոռոյն . և ապա սահ-
մանեցին վարիլ այսպիսի եղանակաւ . ի դալստեան Կու-